

Inuit ilinniarnertuutut allamilluunniit ilinniakkamik naammassinnissimanermikkut oqaluttariarsornikkut allattariarsornikkullu tuluttoorsinnaasut qanoq meeqqat atuarfiini, piareersarfinni, sunngiffimmi ilinniartitaanerni suliffissaaleqisunulluunniit pikkorissarnerni tuluttut ilinniartitsisut atorpeqarsinnaanersut pillugu Naalackersuisut nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut. Nassuiaat kingusinnerpaamik 1. august 2015 Inatsisartunut agguanneqassaaq.

(Inatsisartunut ilaasortaq Ruth Heilmann, Siumut)

Akissuteqaat

(Ilinniartitaanermut, Ilageeqarnermut, Kultureqarnermut Naligiissitaanermullu Naalackersuisoq)

Siullermeerinnineq

Sivikitsumik ilinniarnermik meeqqat atuarfiini, piareersarfinni, sunngiffimmi ilinniartitaanerni suliffissaaleqisunulluunniit pikkorissarnerni tuluttut ilinniartitsisut piginnaasaqalerfiusumik sivikitsumik ilinniarnermik pilersitsinissamut periarfissat pillugit Naalackersuisut nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuuteqarneranut Inatsisartunut ilaasortaq Ruth Heilmann, Siumut, Naalackersuisut qutsavigaat.

Ilinniartitsisuuneq pingaaruteqarpoq suliarlu ilungersunarluni, suliamik ingerlatsilluarsinnaanermut annertuumik piumasaqaataafiuginnangitsoq aammali ilinniartitsisuni atortunillu ilinniartitsisutini arlalissuarni sukumiisumik ilinniarsimanissamik piumasaqaataaffiusoq. Pingaartumik ullutsinni inuiaqatigiinni, kultureqarnermi teknologimilu ineriartorneq ilinniarfinnut annertusiartuinnartunik piumasaqaateqarfiusuni, inunnut meerartatsinnik inuusuttortatsinnillu atuartitsisunut ilinniartitsisunullu qaffasissumik ilimagisaqarnerup ingerlatiinnarnissaa pingaaruteqarpoq.

”Ilinniartitsisunngussagaanni pikkorissoq ilinniartitsissutit, ilinniartitsissutinik ilinniartitseriaatsit, perorsaaneq, tarnip pissusaanik nalinginnaasumillu ilinniartitseriaatsit pillugit ilisimasaqartariaqarpoq, taakkuninngalu imminnut atatillugit paarlakaajaallugillu ilisimasaqarnissaq eqqarsaatigineqartariaqarput. Ilinniartitsisup pikkorissup suliamik ingerlatsinissamut piginnaasaqarnissaa saneqqunneqarsinnaanngilaq. Tamassumali saniatigut ilinniartitsisoq pikkorissoq ilinniartitsissutit akornanni nalinginnaasumik ilaatigut aamma piginnaasaqartariaqarpoq. Taakku uku pingaarnerit atorlugit eqikkarpakka: sinaakkusiinermi, atassuteqarnermi qisuariaateqartarnermilu piginnaasat”

Elsebeth Jensen Århusimi Ilinniartitsisunngornianik Ilinniarfimmi ilinniartitsinermut pisortaagallartoq Suliamik aalajangersimasumik ilinniagaqarnermut højskolip VIA, University Collegep nittartagaani 2010-mi taamatut allappoq.

Isummat taakku Naalackersuisut isumaqatigisorujussuuaat, tamassumali saniatigut isumaqarlutik ilinniartitsisutut akisussaaffeqarluni inunnullu piumasaqaateqarfiusumik suliaqassagaanni ilinniarnertuunngorniarfimmi naammassereernerup kingorna ”piginnaasaqalerfiusumik sivikitsumik ilinniarnermi” allaanerusunik annertunerungaartunillu piumasaqaateqarfiusooq. Ilinniartitsisuuneq ineriartorteqqinneqassappat sulilu

pilerinarsaqqinneqassappat akuersarneqarnerulissappallu ilinniartitsinermi piumasaqaatit annikinnerulersinnissaat iluaqutaanngilaq. Akerlianik suliamik ilisimasaqarnissaq suliamillu ingerlatsisinnaaneq annertunerusumik piumasaqaataassapput – atuartitsinerup pitsaassusia suliqaffatsinneqassappat ilinniartitsisullu isigineqarnerat ineriartortinneqassapput qaffassarneqarlunilu.

Ilinniarnertuunngorniarneq ilisimasariaqakkanik ilinniarfiuvoq ilinniagaqarnissamullu piareersarluni ilinniarnarulluni, ilinniartitsisutullu sulinissamut piginnaasaqarfiulersutut ilinniarnarunani. Meerartatta inuusuttortattalu ilisimassavaat GU-mi soraarummeerneq ilinniarfinni ingerlaqqinnissamut 'sakkuuginnartoq' kisimiitillugu anguniagassaangitsoq. Allatut oqaatigalugu "sivikitsumik piginnaasaqalerfiusumik ilinniarneq" pitsaassutsimigut imarisamigullu ilinniartitsisutut ilinniagaqarnermit appasinnerusoq pinnagu tamakkiisumik eqqortumilluunniit ilinniartitsisutut ilinniarnarluni inuusuttut ilinniarnertuutut soraarummeernissaannik Naalakkersuisut kaammattorusunnerujussuaat.

Naalakkersuisulli siunnersuummi siunertat pitsaasut paasilluarpaat nassuuaasiernerlu aqputigalugu tuluttut atuartitsineq pitsaanagerusoq qanoq siuarsarneqarsinnaanersoq qulaajarusullugu.

Naalakkersuisut taamatut naatsumik oqaaseqarlutik siunnersuutip akuersissutigineqarnissaa inassutigaa.